



Fernand ETGEN
 Président vun der
 Deputéiertechamber
 19, um Krautmaart
 L-1728 Lëtzebuerg

REÇU
 Par Aff Christian , 11:17, 02/11/2020

Lëtzebuerg, den 02/11/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Sport weiderzeleeden.

Ufanks des Mounts huet de fréiere Commissaire à l'Education physique et aux sports op RTL een Appell un de Ministère gemaach, fir säin Nofollger ze bestëmmen. Dem fréiere Beamten no, brauch een am Ministère net nëmmen ee politesche Beroder, mee och ee Fachexpert am Sportberäich. *"Eng Zukunft ouni Commissaire aux Sports bedeit, datt fir déi organiséiert Sportswelt (Comité olympique a Sportfederatiounen a -veräiner) kee fachkënnegen Uspruechpartner méi am Ministère ass, a keen Expert fir nei Impulser aus dem Sportsministère erauszeginn."*

An deem Zesammenhang wéilt ech dem Minister dës Froe stellen:

1. Gouf de Poste vum *Commissaire à l'Education physique et aux Sports* méttlerweil néi besat?
 Falls nee, ass de Sportminister der Meenung, dass de Sportsministère e *Commissaire à l'Education physique et aux Sports* brauch?
2. Wéi vill Beamte schaffe momentan am Sportsministère? Wéi vill vun deene Beamten hunn nogewise Kompetenzen am Beräich Sport, also absolvéiert Studien an de Beräicher vun der Sportwëssenschaft, dem Sportmanagement oder änlechem?
3. Ass de Minister der Meenung, dass eng Professionaliséierung vum Spëtzesport Hand an Hand mat enger Professionaliséierung vun de Sportveräiner a Federatioune muss goen? Falls jo, wéi eng Schrëtt huet de Sportsministère bis elo an des Richtung gemaach a wat fir Konzepter sollen an Zukunft nach ëmgesat ginn?



Mat déiwem Respekt,

A handwritten signature in black ink, consisting of several fluid, overlapping strokes that form a stylized representation of the name 'GOERGEN'.

GOERGEN Marc
Député



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère des Sports

Le Ministre

Luxembourg, le 3 décembre 2020

RECU
Par Aïll Christian, 09:15, 03/12/2020

Monsieur Marc Hansen
Ministre aux Relations avec le Parlement
Service Central de Législation
43, boulevard F.D Roosevelt
L-2450 Luxembourg

Objet : Réponse du ministre des Sports à la question parlementaire n° 3072 de Monsieur le Député Marc Goergen au sujet de l'organisation et des priorités du ministère des Sports

Monsieur le Ministre,

Par la présente, j'ai l'honneur de vous faire parvenir la réponse à la question parlementaire n°3072.

Je vous prie de bien vouloir la transmettre à Monsieur le Président de la Chambre des Députés.

Veillez agréer, Monsieur le Ministre, l'expression de ma parfaite considération.

Le Ministre des Sports

Dan Kersch

Réponse du ministre des Sports à la question parlementaire n° 3072 de Monsieur le Député Marc Goergen au sujet de l'organisation et des priorités du ministère des Sports.

De Poste vum Commissaire à l'éducation physique et aux sports gouf bis ewell nach net besat. Den 18. November 2020 ass de Projet de loi n°7708 an der Chamber déposéiert ginn, wou et och ënnert anerem ëm d'Funktoun vum Commissaire geet. De Projet läit am Moment an der zoustänneger Chamberskommissioun.

Niewent de Salariéen déi ënnert de Staatskollektivvertrag falen, schaffen insgesamt 74 Beamten am Sportsministère, respektiv an de Servicer déi ënnert d'Kompetenz vum Sportsminister falen. Sechs Beamten dovunner hunn een ofgeschlossene Studium an de Sportswëssenschaften, anerer hu spezifesch Formatiounen am Beräich vum Sportmanagement, weiderer hu Formatiounen am Beräich vun den Trainingswëssenschaften an zulescht ginn et och Beamten am Sportsministère, respektiv a senge Servicer, déi eng Trainerformatioun hunn. Niewebäi bemierkt, schaffen och fréier Spëtzesportler am Sportsministère, déi zumindest een zolitte Bagage un Erfahrungen, och am Beräich vum Spëtzesport, matbréngen.

Sief dann och nach gesot, datt am Sportsministère och Beamte schaffen déi "nogewise Kompetenzen" an anere Beräicher hunn, déi zum Beispill bei der Berodung vun de Gemengen eng wäertvoll Aarbecht leeschten. Och huet de Sportsministère, niewent dem Spëtzesport, nach eng grouss Panoplie un Aufgaben déi och net ze kuerz kommen a wou zum Deel, elo schonn an deemnächst och nach, zousätzlecht Personal wäert agestallt ginn.

Wat dann awer elo de Spëtzesport erëm ubelaangt, sou sinn an de leschte Joren, net zulescht och mat der Hëllef vum Luxembourg Institute for High Performance in Sports (LIHPS), deen iwweregens integral vum Sportsministère finanzéiert gëtt, essentiell Schrëtter am Sënn vun der Professionaliséierung an d'Weeër geleet ginn. Vun der geplangter paralleler Carrière zu där vun de Sportsaldote wäert och d'Professionaliséierung am Spëtzesport mat Sécherheet profitéieren. Net ze vergiessen dann och nach déi sougenannten "Sportfabrik" zu Déifferdeng, wou ab Hierscht d'nächst Joer déi Sportsspezifesch Recherche, och an der Trainingsoptiméierung, sécherlech zu méi Professionaliséierung wäert bäidroen.

De Renforcement vun de Verbandsstrukturen, deen iwweregens am Regierungsprogramm als eng vun de Prioritéiten definéiert ass, huet an de leschte Jore schonn eng gréisser Repercussioun am Budget an och am Pluriannuel vum Sportsministère gehat. D'Kreditter fir dëse Budgetartikel weisen par rapport zum Budget 2019 eng Hausse vu 24 % fir 2020, vun 38% am Joer 2021, vu 54% fir d'Joer 2020 a 70% fir 2023. Eleng am Joer 2020 kruten d'Federatiounen insgesamt 12 Posten, administrativer an och technescher Natur bäi, an dëst ass dann och a Konventiounen esou festgehale ginn. D'Mise en place vun engem Fënnf-Joresplang am Beräich vum Personal vun de Federatiounen, weist d'Wichtigkeet déi dem Renforcement vun de Verbandsstrukturen zoukënnnt.

Sief dann och nach gesot, datt d'École nationale de l'éducation physique et des sports (ENEPS) an Zukunft, nieft der neier Aus- a Weiderbildung am Kader vun den Trainerformatiounen, och Formatioune fir administratiivt Personal wäert ubidden, wat ouni Zweifel dozou wäert bäidroen, datt d'Federatioune sech eng méi professionell Struktur kënne ginn, wat dann och, ënnert anerem, dem Spëtzesport zu Lëtzebuerg wäert zegutt kommen.